



ILOVADAN FOYDALANISH YO'RIQNOMASI

Mazkur bo'limda mobil ilovadan foydalanish jarayonida talaba menyularni qanday ketma-ketlikda o'zlashtirishi, har bir bo'lim orqali qanday bilim, ko'nikma va malakalarga ega bo'lishi hamda ularning amaliy ahamiyati haqida batafsil yoritiladi. Ilovaning 2–7 menyularini bosqichma-bosqich o'zlashtirish orqali talaba *nazariy bilimdan amaliy natijagacha bo'lgan jarayonni* to'liq egallaydi.

2. Naqshlar tarix tilsimi

Bu bo'lim orqali talaba *geometrik va islamiy* naqshlarning kelib chiqishi, naqshlarning turlari va ularning o'ziga xos xususiyatlari, naqsh elementlarining ramziy va estetik ma'nosi haqida bilim va ko'nikmaga ega bo'ladi, shuningdek, naqshlarning nazariy asoslarini tushunadi, tahlil qilish va farqlash ko'nikmasi shakllanadi. Keyingi bosqichlarda yuqorida talaba ega bo'lgan bilim va tajriba unga naqshni ongli ravishda naqsh elementlarini chizish imkonini beradi, har bir naqsh unsurini ma'noli ishlatishni o'rgatadi

Bu menyuning eng muhim jihati talabalar va mustaqil o'rganuvchilarning badiiy tafakkuri rivojlanadi, estetik didi shakllanadi.

3. Asboblari va materiallari siri

Talaba naqsh chizishda ishlatiladigan asboblari (sirkul, chizg'ich, qalam va bo'yoqlar) va turli materiallari bilan ishlash usullarini o'rganadi, asboblarni to'g'ri tanlash va ulardan foydalanish ko'nikmasi shakllanadi, ish jarayonini to'g'ri tashkil etish malakasiga ega bo'ladi, shuningdek, naqshni aniq va sifatli chizish imkoniyati oshadi, xatoliklari kamayadi.

Bu menyuning eng muhim jihati talabalarda texnik mahorat shakllanadi mustaqil ishlashga tayyorgarlik hosil bo'ladi

4. Naqqoshlik uslublari olami

Talaba turli hududlarga xos naqsh uslublari, naqqoshlik maktablarining o'ziga xos jihatlari haqida bilimga ega bo'ladi, shuningdek, uslublarni ajrata olish, turli naqshlarni solishtirish va tahlil qilish ko'nikmasini hosil qiladi va natijada turli uslublardan foydalanib yangi kompozitsiyalar yarata oladi, ijodiy yondashuvni rivojlantiradi.

Bu menyuning eng muhim jihati talabalar tasavvuri kengayadi, milliy merosga qiziqish yanada ortadi.

5. Amaliy bezak san'atida naqsh chizish asoslari

Naqsh chizish bosqichida talaba naqshlarni bosqichma-bosqich chizish, shakllar asosida ishlash, o'rganilgan nazariyani amalda qo'llash, mustaqil naqsh yaratish imkoniyatiga ega bo'ladi, natijada talabada amaliy chizish ko'nikmalari, qo'l harakati aniqligi rivojlanadi, kompozitsiya tuzish asoslari, ijodiy fikrlash shakllanadi.

6. Naqshlar ilhom manbai

Talaba avvalo turli naqsh namunalarini ko'rib chiqib kompozitsiya tuzilishini tahlil qiladi, shuningdek, naqshlarni ko'rish orqali o'rganadi, ijodiy ishdan ilhom oladi va yangi g'oya yaratish ko'nikmasiga ega bo'ladi.

Bu menyuning eng muhim jihati talabaning estetik qarash rivojlanadi, ijodiy ilhom paydo bo'ladi.

7. Naqqoshlik san'atiga bag'ishlangan ilmiy ijod yo'li

Talaba ilovaning maqsadi va yaratilish sabablari haqida, muallif haqida ma'lumotga ega bo'ladi, ilovaning ilmiy-metodik asoslarini tushunadi, ilovadan ongli va maqsadli foydalanishni o'rganadi, va eng asosiysi o'rganishga nisbatan motivatsiya oshadi.

YAKUNIY NATIJA

Yuqoridagi barcha bo'limlarni o'zlashtirgan talaba quyidagi bilim va malakalarga ega bo'ladi:

1. Geometrik va islmiy naqshlarning nazariy asoslarini biladi
2. Naqsh elementlarini tahlil qila oladi
3. Asbob va materiallardan to'g'ri foydalana oladi
4. Turli naqqoshlik uslublarini ajrata oladi
5. Mustaqil ravishda naqsh chiza oladi
6. Kompozitsiya tuzish ko'nikmasiga ega bo'ladi
7. Ijodiy fikrlash va estetik did rivojlanadi

Asosiy maqsad:

Talabalarda naqsh chizish bo'yicha nazariy bilim, amaliy ko'nikma va ijodiy yondashuvni shakllantirish, hamda ularni mustaqil ravishda naqsh yaratishga tayyorlash.